

## Rückblick von der Gründungs idee bis einschließlich 2010

Lieba Musiker, i soll für ui an Rückblick macha  
aufzähla dia vergangana Sacha;  
dass sa it vergessa dond sei,  
dromm schreib is en dän Ordner nei.

Doch zäscht will i an dia Entstehung zruckdenka  
ond deaner Idee a paar Zeila schenka.

Am 19. November 2006 isch Vorstandssitzung vom ASM gwea;  
beim Schaufheitl en Mattsies war es ganz schein.  
Ma duat übers Bjbo und Bjbo Youngstars diskutiera  
und um tausad Sacha wo es geit zom organisiera.

Nur guates ond viel Lob geit es dau zom heara,  
dia zwei Orchester dond sich auf des beste beweara.  
Dau kommt der Vorschlag sowas kennt ma doch au, mit da "Alta" macha,  
ma duat zeascht a weng schmeazala, oder gar lacha  
doch wia länger ma drüber diskutiera duat,  
om so eher findet ma dän Vorschlag guat.  
Ond ma entwicklat schnell an Pla',  
mit wieviel Jauhr fang mer dau a?

Auf 50 haut ma sich entschieda  
ond so isch es bis heit geblieba.  
End Hand gnomma haut des ganze nau d'r Martin Jall,  
für dän war des a klarer Fall.  
Er duat sich an Gedanka über da Nama macha  
ond über viele andra Sacha.

Au dia viela Nota duat er organisiera  
ond am End no selber dirigiera.  
Sei Stellvertreter duat dr Tom Liebchen sei,  
dau ka nau gar koi Wasser nei.  
Am 6. Mai 2007 fangt ma nau a zom proba,  
en Mendelhoi beim Krähanescht doba.

Fascht 40 Mann kommat, des war schein,  
des isch dr Anfang vom "Bezirks Oldie Blasorchester" gwea.  
Dr Kohler Hermann aus Wörishofa duat mit 84 Jauhr dr Senior sei  
ond blausat no ganz tapfer en sei Tenorhorn nei.  
So all 4 Wucha trifft ma sich nau zom proba,  
em 24. Juni, 22. Juli ond 2. September en Mendlhoi doba.

Nauch der Prob am 2. September geit es no was zom Essa,  
Gegrilltes, zubereitet von Maria; des zu erwähna darf i it vergessa.  
Am 23. September isch nochmals Prob, denn es isch gwies,  
am 29. September spielat mir em Feschtzelt auf dr Schwaubawies.  
Des isch eiser erschter öffentlicher Auftritt gwea,  
von Elfa bis halb Viera hand mir Unterhaltung gmacht grad schein.

Mit der Prob am Sonntag 30. Dezember dond mir nau des Jauhr abschliea  
ond des Kapitel Mindelheim fr 2007 beschliea.  
Fazit von 2007 isch nau 1 Auftritt ond 6 Proba,  
7 mal warat mir en Mendlhoi doba.

2008

Am 10. Februar 2008 hand mir eis nau en Kirchdorf troffa,  
des wunderscheane Probelokal staut dau fr eis offa.  
Em Mrz send mir nau glei 2 mal zema komma,  
am 2. ond am 30. hand mir dau eisern Platz eignomma.  
Bei der Musikprob am 27. April,  
dau heizt nau hinterher der Grill.

Ganz gmtlich ka ma Brotzeit macha,  
en dr Gatawiatschaft wenn d' Sonna duat lacha,  
bei Essa ond Getrnke frei,  
dau fhlt ma sich ganz wohl dabei.

Am Fronleichnamstag den 22. Mai 2008,  
dau hand mir en Wrishofa a Kurkonzert gmacht.  
Mir spielat dau am Aubad om halb Achta a guata Stund  
ond ma ka ganz ehrlich saga dau isch ganga rund.

Eisra Oldies kommat dau recht guat a  
ond dr Gerd Haldamayer isch zom Asaga dr richtige Ma.  
Wenn er au gera auf da Klarinetta rum hacka duat,  
mit seina Spbla macht er es ganz guat.

Am 31. Mai war nau eiser groaer Tag,  
dau isch gange Schlag auf Schlag.  
En Kirchdorf duat des Bezirksmusikfest sei,  
zom Frschoppa treffat mir dau im Festzelt ei  
Doch der Frschoppa ziaht sich en d' Lnga naus,  
eascht em spta Nachmittag isch der aus.

Am 28. September dond mir nau nomaul proba  
ond am 28. Dezember treffat mir eis s'letzte mal en Kirchdorf doba.  
Des Jauhr dond mir mit Freibier ond Weiwrst beschliea  
ond eis gegaseitig beglickwenscha, bedanka ond recht schea gria.

Insgesamt 2 Auftritt ond 6 Proba,  
8 mal warat mit versammlat, des ka ma loba!

2009

Am 25. Januar 2009 treffat mir en Stetta ei,  
denn dau duat huier des Musikfest sei.  
Auch am 22. Februar dond mir mea proba,  
dau haut dr Martin a Heimspiel doba.

Nauch Mencha fahrat Ihr am 6. März,  
ganz ohne mich, des isch koi Scherz.  
I hau bloß guates g'heat ond zom berichta,  
doch leider ka i dau nix dichta.

Ihr warat en dr Bayrischa Staatskanzlei,  
eiser Pschierer Franz duat dau dr Gastgeber sei.  
Am 22. März ond am 19. April  
war Musikprob, es komm wer will,  
doch dia Prob am 17. Mai darf ma i vergessa,  
denn dau geit es anschließend mea a Essa.

An Christi Himmelfahrt ( 21. Mai) war es nau soweit,  
dass es en Stetta a Feschtzelt geit.  
Am Vormittag dua i no schnell 40 Tagwerk Gras ens Fahrsilo nei,  
doch pünktlich om Ois en Stetta sei.

Eiser Bobo duat dau da Nomidag gestalta,  
a Zelt voll Leit bei tropischa Temperatura unterhalta.  
Doch au dia Stimmung dia duat siada,  
dia Zuhörer kennat gar it gnuua kriega.

Zum Musikfestablauf darf ma dau no gratuliera,  
es war alles Spitze und au des Marschiera.  
Und au der Massenchor an der Bahnhofswiesa  
haut höchste Disziplin bewiesa.  
I verzehl des bloß so neaba bei,  
denn mir Bobojaner warat dau ja it dr'bei.

Am Sonntag 7. Juni dond mir nau mea proba,  
dau war s'escht maul a Weibsbild doba.  
Dia Schneider Angi mit Ihrem Klimperkaschta  
unterstützt des ganze und schlägt auf dia Taschta..

An Fronleichnam däm 11. Juni isch es nau gwea,  
dau spielat mir Aubads a Kurkonzert ganz schea.  
Zwei Dag später dond mir nau scha mea en Bad Wörishofa sei,  
zom ra zünftiga Straußafescht lädt ma dau ei.

Am Samstag Nomidag (13. Juni) spielat mir dau auf,  
der Erlös der gaut auf Bad Grönenbach nauf.  
D'r Rösslewiat duat des mit organisiera  
ond anschließend eis an Brauta spendiera.

Am 6. und 27. September duat nau mea Musikprob sei,  
dau setzt ma 2 Ersatzdirigenta ei,  
denn am 4. Oktober staut a Freiluft Kurkonzert auf em Programm.  
Dau kommat mir scha mea en Wörishofa zamm.

Ond weil eisra beida Dirigenta verhindert send  
sprengat dr Mayr Johann und dr Berchthold ei ganz gschwend.

Am 27. Dezember dond mir nau mit ra kurza Musikprob des Jauhr 2009 beenda;  
der Musikverei Stetta duat eis no a Brotzeit spenda.

Bei Weißwürst ond Brezga duats eis ganz guat gau.  
Dr Schuster Andreas sait ma sott hald no an Rückblick hau,  
er luagat so ond schaut om d'Runda  
ond haut mich glei als Opfer g'funda.

Schreibs a weng auf, des wär ganz guat,  
weil ma doch alz glei vergessa duat.  
Ond dromm dua i heit glei von 4 ganza Jauhr berichta,  
des wichtigste a weng zemadichta.

Dromm horchat no a bisla zua,  
i lass ui nau ganz gwies en Ruah.

Im Jauhr 2009 send mir 14 mal beim Bobo gwea,  
9 Proba, 4 Auftritt, 1 Ausflug ond alz war schea.

2010

Am 31. Januar 2010 fangat mir mea zom proba a  
ond alle fahrat en dia alt Schual auf Hausa na,  
denn en Hausa duat des Bezirksmusikfest sei  
ond ladat eis Bobojaner deshalb zua Äna ei.

Weitere Proba warat am 28. Februar, 28. März ond am 2. Mai,  
ma probat a buntes Allerlei,  
denn an Christi Himmelfahrt (am 13. Mai) dau isch ganga rund,  
des war Vatertag, zom feira doch a Grund.

Bei Dauerregen, des Wetter war it so toll,  
doch das Festzelt des war grammlat voll.  
Alz war froah über a Dach ond em trockana sei  
ond mir hand nau g'heizt mit eiser Musik kräftig ei.  
A voller Erfolg isch des mea gwea,  
jedem hauts g'falla, ja es war schea.

Am 6. Juni dond mir nau mea Proba  
mit anschließendem Grillfest, ja des laut sich loba,  
dia Prob war schwach besucht, zom Glück,  
sonst hätt it jeder kriagt a Stück.

Des Fleisch, es war sehr knapp bemessa,  
dr Grillmeister Andreas bekommt nix mea zom Essa,  
doch des duat Äm überhaupt it stinka,  
er sait, des bisla Essa ka ma trinka.

Am 27. Juli dond mir nomaul Proba,  
denn am 4. Juli spielat mir en Bad Grönabach doba.  
Dr Andreas duat über dän Ablauf kurz berichta,  
über Programm, Essa, Parka, Standort ebbas zema dichta.  
Wenn au em Andreas seina Erklärunga dond überall landa,  
eiser belgischer Europäer sagt: "Hab kein Wort verstanda."

Marktplatzfest duat ma des taufa,  
zom parka muaß ma weit gnua laufa.  
Des Wetter, des war Sonne pur,  
der Kühlschrank war a Brunna, echt Natur.

Zom Essa haut es gea ganz feina, aber kleina Speisa,  
dau duats da Maga it verreisa.  
En haufa Leit haut's gea, des Fescht war toll  
ond au dia Kasse vom Veranstalter war voll.  
Au mir hand kostenlos g'spielt bei därer Hitz,  
es war für des Grönabacher Kinderhospiz.

Am 29. August dond mir nau mea proba,  
als Dirigent darf ma da Mayr Johann loba.

Dia Schlagzeuger warat au mea a maul auf Reisa,  
das Schlagzeug duat dau ganz verwaisa,  
doch dr Drexel Franz laut sich's it nemma,  
als Schlagzeuger dau ei zom sprenga.  
Escht als dia Steckasuche erfolgreich isch gwea,  
ka er loslega, ja nau wars schea.

Am 26. September war Prob auf jeden Fall,  
doch diesmaul mea mit Martin Jall.

60 Jahre ASM hauts nau am 3. Oktober g'heiße,  
des Städtla Mendlhoi duat ma dau bereisa.  
Om 10na war en dr Stadtpfarrkirch a feierliche Mess,  
dia Jungmusiker der Stadtkapell gestaltat dia ganz ohne Stress.

Anschließend dond mir da' Früschoppa im Festzelt gestalta  
ond des zahlreiche Publikum recht guat unterhalta.  
Am Nomidag isch no a' Sternmarsch ond a Massenchor gwea,  
a gelungenes Fescht ond des Wetter war schea.

D'r Senior von eiser Musikkapell  
haut eis am 10. November verlassa ganz schnell.  
Em 88. Lebensjahr isch eiser Kohler Hermann verschieda,  
eis isch it a maul a Verabschiedung blieba.

Doch am 21. November bei der Musikprob dond mir seiner gedenka,  
mit däm Liad "Ich hatt einen Kameraden" unser Mitgefühl schenka.  
Dr Schuster Andreas sait a paar Woat ond alz staut auf,  
dr Geiger Martin spielt "Da Kamerad", dass kalt da Buckl gaut nauf.

Wer itzt glaubt des Jauhr wär romm,  
däm ka i saga, der isch domm,  
denn am 6. Dezember a ganz klarer Fall  
50 Jauhr weat eiser geschätzter Dirigent Martin Jall.

Er haut eis zwar scha en Hausa nui Jauhr gwonscha ond eiglada auf dia heutig Prob ( 2. Januar),  
denn er haut von däm Ständla gar nix gwisst – Gott lob.  
Mir treffat eis en Stetta em Musikerheim zom wata,  
des Stendla hätt solla a Überraschung sei em Gata,  
doch bei Dauerregen duat es besser sei  
ond mir gand glei en d'Wiatschaft nei.

Mit em Martin fährt ma unterdes spaziera,  
er sollte dia Orientierung ganz verlierera.  
Ens' Gmoidshaus nauch Stetta isch dia Reise nau ganga,  
mit der "Hymne an die Freundschaft" hand mir Än empfanga.

Drauf folgt nau von mir a klois Gedicht,  
der Jubilar, er strahlte über's ganze Gesicht.  
Mit "Die Kapelle hat gewonnen" gauts weiter im Programm,  
eiser Bezirksdirigent Tom Liebchen hält eis Alle zamm.

Nau duat dr Bezirksleiter Andreas Schuster gratuliera  
ond nauch ra kurza Asprauch au no was spendiera.  
"Alte Kameraden" war nau des 3. Stuck,  
doch dau geit's beim Martin einen Ruck.

Er haut sich kenna it verkneifa,  
duat selber nau zom Taktstock greifa.  
Er bringt da "Tom" um seinen Poschta  
ond kommt so voll auf seina Koschta.

Dr Martin duat recht dankbar sei  
ond leat eis zu Freibier ond Brotzeit ei.  
Als Alleinunterhalter duat nau dr Otti Golmitzer fungiera  
ond auf seim Akkordeon dia schwersta Stickla präsentiera.

A stiller Zecher alias Franz Drexel kommt nau no vorbei  
ond singt ond lacht mit viel Geschrei.  
Ond dr Klinger Martin duat nau da' Jubilar informiera,  
er soll sei Namensgedächtnis wäga em "Deng" gut träniera.

I darf mi em Nama aller Musikanten  
beim Martin Jall für "Alles" nochmal recht herzlich bedanken.  
Au will i dia Aushilfa und sonstiga Helfer it vergessa  
dia sich eibringat für guate Musik ond au fürs Essa.

I hoff ond wensch mir, dass es des Bobo no recht lang geit,  
des isch a scheaner Zeitvertreib.  
Dankschea für's zualosa ond a guat's nuis Jauhr,  
das hoff i für eis alle, ja des isch wauhr!

### 2006:

- 19.11 Bei Vorstandssitzung des ASM in Mattsies entsteht die Idee fürs Bobo

### 2007:

- 6.5. Probe des Bobo im Mindelheimer Probelokal
- 24.6. " " " " " "
- 22.7. " " " " " "
- 2.9. " " " " " " mit Grillfest
- 23.9. " " " " " "
- 29.9. Auftritt im Festzelt auf der Schwabenwiese von 11- 15:30
- 30.12. Probe des Bobo im Mindelheimer Probelokal
- 6 Proben
- 1 Auftritt

### 2008:

- 10.2. Probe in Kirchdorf
- 2.3. " " "
- 30.3. " " "
- 27.4. " " " mit Grillfest
- 22.5. Kurkonzert in Bad Wörishofen von 19:30 – 21
- 31.5. Auftritt im Festzelt in Kirchdorf von 11:30 – 15
- 28.9. Probe in Kirchdorf
- 28.12. " " " mit Weißwurstessen und Freibier
- 6 Proben
- 2 Auftritte
- 

### 2009:

- 25.1. Probe in Stetten
- 22.2. " " "
- 6.3. Ausflug nach München in den Bayrischen Landtag
- 22.3. Probe in Stetten
- 19.4. " " "
- 17.5. " " " mit Grillfest
- 21.5. Auftritt im Festzelt in Stetten
- 7.6. Probe in Stetten
- 11.6. Kurkonzert von 19:30 – 20:30
- 13.6. Straßenfest in Bad Wörishofen 14 – 17 beim Gasthof Rössle
- 6.9. Probe in Stetten
- 27.9. " " " mit 2 Ersatzdirigenten
- 4.10. Kurkonzert im Pavillion 15 – 16

- 27.12. Probe in Stetten mit Weißwurstessen
- 9 Proben
- 4 Auftritte
- 1 Ausflug

### 2010:

- 31.1. Probe in Hausen
- 28.2. " " "
- 28.3. " " "
- 2.5. " " "
- 13.5. Auftritt im Festzelt in Hausen bei Dauerregen und gefülltem Zelt
- 6.6. Probe in Hausen mit Grillfest
- 27.6. " " "
- 4.7. Marktplatzfest in Bad Grönenbach zu Gunsten des Kinderhospiz
- 29.8. Probe in Hausen (Dirigent: Mayr Johann)
- 26.9. " " "
- 3.10. 60 Jahre ASM
  - 10:00 Gestaltung des Festgottesdienstes von der Jugendkapelle MN
  - Auftritt im Festzelt von 12 – 14
- 21.11. Probe in Hausen / Gedenken an Hermann Kohler
- 6.12. Ständchen zum 50. Geburtstag von Martin Jall im Gemeindegasthaus Stetten
- 9 Proben
- 4 Auftritte